



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj:  
Sarajevo, \_\_. \_\_. 2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na \_\_. sjednici održanoj \_\_\_\_\_ godine, primilo je k znanju

Informaciju o statusu kompleksa Bob i sankoške staze sa pratećim objektima i potrebnim aktivnostima u postupku obnove

## **PREDSJEDAVALJUĆI GRADSKOG VIJEĆA**

**Jasmin Ademović**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

## **INFORMACIJA**

### **O STATUSU BOB I SANKAŠKE STAZE SA PRATEĆIM OBJEKTIMA I POTREBNIM AKTIVNOSTIMA U POSTUPKU OBNOVE**

**Predlagač:** Gradonačelnica  
**Obradivač:** Služba za urbano planiranje,  
investicije, stambene i komunalne poslove

---

**Sarajevo, oktobar 2021. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## UVOD

Bob i sankaska staza na Trebeviću izgrađena je 1982. godine za potrebe održavanja XIV zimskih olimpijskih igara u Sarajevu 1984. godine. Nosilac izgradnje je bila RO „Olimpijada ‘84”, firma koju je osnovao Organizacijski komitet ZOI '84 sa ciljem da se izgrade sva borilišta za održavanje igara. Izrada projekta je povjerena Institutu za arhitekturu i urbanizam, Arhitektonskog fakulteta u Sarajevu uz konzultantske usluge projektnog biroa Deyle iz Stuttgarta. Nakon igara, koristila se u svrhu održavanja treninga te raznih međunarodnih takmičenja. U toku rata 1992.-1995. godine bob staza je devastirana te više nije u funkciji zimskih sportova.

Za izgradnju staze dobivene su dozvole nadležnih institucija i državnih organa:

- urbanistička saglasnost
- građevinska dozvola

Izgrađena je kombinirana staza u zoni između 1.110 i 892 metra nadmorske visine. Ukupna dužina staze iznosi 1.570 m, prosječni nagib 10,2% i ima ukupno 13 krivina. Izgrađena je na način da se može podijeliti u tri autonomna segmenta. Uz bob stazu su izgrađeni i slijedeći objekti:

- Startna kuća boba i sanjki za muškarce
- Startna kuća sanjki za djevojke
- Ciljna kuća
- Objekt press-centra, upravna zgrada
- Tehnička centrala
- Servisna prometnica
- Pješačke staze
- Parkinzi
- Informativni centar na parking na ulazu u bob centar
- Semafor
- Rasvjeta staze
- TV zatvorenog kruga
- Heliiodrom iza završne stanice žičare prema Brusu

Nakon izgradnje dobivena je upotrebna dozvola, ali objekat nikad nije uplanjen.

Bob i sankaska staza se nalaze u obuhvatu Zaštićenog pejzaža Trebević. Trenutno je u fazi izrada Prostornog plana područja posebnih obilježja Zaštićeni pejzaž „Trebević“.

### Potrebne aktivnosti

Obzirom na veliki potencijal bob i sankaske staze sa pratećim objektima, Grad Sarajevo je opredijeljen da pristupi aktivnostima na obnovi Bob staze, kako bi ista značajno unaprijedila sadržaje na planini Trebević, i ujedno omogućila odvijanje takmičarskih, trenažnih i rekreativnih aktivnosti. Dodatni motiv u pristupanju ovim aktivnostima je podršku koju je Grad Sarajevo dobio za zajednički nastup Barcelone i glavnog grada Bosne i Hercegovine na Olimpijskim igrama 2030. godine, kao i za rekonstrukciju bob staze na Trebeviću za potrebe održavanja takmičenja. Obzirom na složene procese koji su nužni u pomenutim radnjama, vrlo je važno uključjenje i podrška svih nivoa vlasti.

Shodno svemu navedenom potrebno je pristupiti slijedećem:

Rješavanje imovinsko-pravnih odnosa:

- Proglašenje kompleksa Bob staze sa pratećim objektima od javnog interesa od strane Kantona Sarajevo,
- Identificirati parcele na kojima su smještene staza i prateći objekti (Kopija katastarskog plana i ZK izvadci),
- Izrada ažurnog geodetskog snimka koji obuhvata stazu i prateće objekte,
- Preklapanje geodetskog snimka sa Prostornim planom područja posebnog obilježja Zaštićeni pejzaž „Trebević”,
- Parcelacija parcela radi uplanjenja objekta,
- Pretvaranje zemljišta pod objektom iz šumskog u građevinsko,
- Uplanjenje objekta i
- Upis u zemljišne knjige

Tehničko-investiciona dokumentacija:

- Utvrđivanje nosioca aktivnosti na obnovi Bob staze sa pratećim objektima,
- Izrada Studije opravdanosti obnove kompleksa Bob staze sa pratećim objektima, i razvoj poslovnog modela,
- Prethodni istražni radovi sa utvrđivanjem stanja i stepena oštećenja objekta,
- Idejni projekat,
- Pribavljanje urbanističke saglasnosti,
- Potrebne saglasnosti komunalnih preduzeća,
- Izrada Glavnog/Izvedbenog projekta obnove kompleksa Bob staze sa pratećim objektima,
- Revizija projektno-tehničke dokumentacije,
- Odobrenje za građenje,
- Pokretanje javne nabavke za izbor najpovoljnijeg ponuđača za izvođenje radova,
- Ugovaranje usluge stručnog nadzora nad izvođenjem radova,
- Realizacija,
- Tehnički prijem i dobivanje upotrebne dozvole,
- Predaja korisniku,
- Izrada Plana upravljanja kompleksom i
- Obuka lica zaduženih za održavanje postrojenja i kompleksa.

Finansiranje realizacije:

Obzirom na složenost projekta obnove kompleksa Bob staze sa pratećim objektima, potrebno je finansijska sredstva prikupiti apliciranjem za sredstva prema međunarodnim fondovima, kao i od strane državnih organa.